



**GIUSEPPE CABIZZOSU**

BIBLIOTECA

[www.giuseppcabizzosu.it](http://www.giuseppcabizzosu.it)

# Pietro Cabras

(Orosei 1890 - 1956)

## Poesie scelte in lingua sarda



GIUSEPPE CABIZZOSU

BIBLIOTECA

[www.giuseppcabizzosu.it](http://www.giuseppcabizzosu.it)

# Pietro Cabras

(Orosei 1890 - 1956)

Poesie scelte  
in lingua sarda



GIUSEPPE CABIZZOSU

BIBLIOTECA

[www.giuseppcabizzosu.it](http://www.giuseppcabizzosu.it)

# Pietro Cabras

(Orosei 1890 - 1956)

Colonnello a riposo del Corpo Bersaglieri. Nominato due mesi prima di morire Generale di brigata quale riconoscimento del suo glorioso passato nella campagna di Tripoli del 1911-13 e nelle due guerre mondiali. Poeta dialettale in logudorese e oroseino.

## Cànticos nostros

Cantor de "Gaddùra",  
bòis in amore  
cuffortàtes su coro in amargùra,  
e dàzzir dolore  
chi est a s'anima triste una durcùra  
e hat profumos bellos de viòre.

Cantor de "Limbàra",  
cantàte s'ermosùra  
de cust'Isula mìa, sa prùs cara!  
divinamente pura,  
gemma de ogni gemma sa prùs rara,  
naschita che.....tristura!

Cantor de "Baronìa",  
bóis mi pintàtes  
indùnu quàdru custa vita mìa,  
e galu mi ninnates  
sa memoria prèna 'e nostalgia  
e cànticos e amores m'ammentates!

Sezzis s'anninnìa  
che unu lamentu  
in s'ànima de custa zente mìa:  
sezzis puru turmentu  
ch'intendimus solu nóis ibbìa,  
ca nos isprimet onzi sentimentu!

Cantate a Dòri mia,  
cantate zentilmente,  
comente càntan solu m Baronìa:  
cantàte solamente  
a coros in amòre e in alligrìa  
e zeo bos intenda in Continente!

Cantor de "Nugóro"  
de mùtos istranos,  
ieo bos iscurto e bos adòro,  
ca sézzis arcànos  
e intràtes che fritzas in su còro,  
ca sézzis tantu bellos e galànos!

Vois isprimìtes  
prùs umanamènte  
su dolore intèrnu chi sentìtes,  
e poi suavemente

sas ànimas unites  
in catenar de oro eternamente!

Candho so' luntànu  
est una sirèna  
chi alligra mi cantat su manzanu,  
in s'ispiàggia amèna,  
uv'est sèmpèr etèrnu su verànu,  
uve sa rosa vrórit in s'arèna!

Càntor de amòre;  
fàttos in carrèra,  
de onz'istella mirènde su lucóre,  
cale bella pandela,  
bois hazzis su càndidu colore  
de una solitària biànca véla!

Siena, febbraio 1935